

11 июня. 222 мученикам китайским.

На Господи возвах, глас 6:

О дѣвнѣй пѣлче страсотѣрпец Христѣвых, / от соплемѣнных
обезумевших убиенных! / О мученицы двѣсте два десят и два, /
за веру православную живѣт свой положившии /
в царстве Китайском безкрайнем, / древнею
лжемудростию язычестей хвалящемся! / Кто возможет
прославити страдания ваша, / отче Митрофане богомудре /
и чада твоѣ духовныя, / мужие и жены, / старцы с юными
и младецы множество! / Приидите, станите с нами //
и вдохновите ны восхвалити ваше торжество.

О малое стадо, / емуже Отец Небесный
благоволи дати Царство! / Како не дивимся, зряще вы /
Китайския прозябения, / обретшия многоценный бисер
Православия в землѣ язычестей, / идеже вера Христова
вмале от латин и ученик Лютеровых проповедана бе /
и правнуцы славных пленник, / от града Албазина древле
исшедших, пастырями миссии Россійстей просвещаемии, /
веру отеческую храняху // и приходящих к ним сею просвещаху.

Глас пророка Исѣии / услышим, вернии, зывающа: /
Се, сии издалеча приидут от земли Синим. / Ныне
проречение сие исполнися, / ныне чада Божия, / в земли
дальней Синим являшася, / к Агнцу, Исѣией проповеданному, /
приидоша и Ему последоваша // на источники вод животныя.

Ка́ко не дивѝмся, зря́ще тя, / свяще́нне Митрофа́не, /
от мла́дых ногте́й пропове́дником Правосла́вия /
в подво́рии Бейгуа́нь присе́дяща / и от их усте́н ѝстина́ми
ве́ры Христо́вы, / а́ки губа́, водо́ю живото́чною, напо́яема; /
по́слежде, ещѝ ю́ну тебе́ су́щу, / бра́тий твои́х
о́ными любому́дренне просвеща́юща; / по сем венѝц досто́ин
трудо́в твои́х — сан пресви́тера / от рук Апосто́ла Япо́нии
Никола́я сла́вного прия́вша / и, по стопáм его́ шѝствуя, /
служѝние апосто́льское до́блестно соверши́вша, // ему́же и венѝц
му́ченический совокупѝ!

Ча́да моя́ возлю́бленная, / вопи́яше
священноучи́тель Митрофа́н, / се, вре́мя испытáния настá, /
никто́же от вас да убой́тся сме́рти поно́сных, / поминáюще, ка́ко
пятна́десять лет / о́браз милосе́рдия, нестя́жания и страннолю́бия /
в жити́и моём вам явля́я, / поучáх вы Го́сподеви рабо́тати, /
ско́рби и оби́ды от бли́жних терпе́ти, / наипáче же ве́ру
святу́ю а́ки дар небѝсный // да́же до кро́ви хранѝти.

О му́ченицы Христо́вы купнонра́внии, / коль све́тла
страда́ния ва́ша, / за ве́ру правосла́вную подъя́тыя! / По́двиг
высо́ких и сла́вных / во смире́нии серде́чном не иска́ли есте́, /
нико́лиже помышля́юще дрѝвним му́чеником вели́ким уподо́битися, /
но то́кмо ве́ры Христо́вы отме́щися отреклѝся есте́ / и сию́ я́ко
щи́т проти́ву лица́ гонѝтелей тве́рдо держа́ли есте́ / и та́ко,
живо́т свой за Христа́ положи́вше, ра́дуяся // прехва́льным о́ным
страстоте́рпцем равноче́стными яви́лися есте́.

Слава, глас 8:

Днесь соборъ святыхъ мученик, / священнотайнником
Митрофаном предводимый, / духовную трапезу
мучениколюбцем предлагаёт, / верою православною сияя аки
звезды небесныя, / никакоже Солнца Правды Христа отлучаяся, /
терпеливо поношения, оклеветания, мучения и смерть /
от рук ихетуаней приёмлет, // радуясь радостью небесною.

И ныне, Богородичен, глас той же.

Вход. Прокимен дне. Паремии святым.

Пророчества Исаиина чтение (глава 43):

Тако глаголет Господь: вси языцы собрашася вкупе, и соберутся князи
от них. Кто возвестит сия в них или яже от начала, кто слышана
сотворит вам; да приведут свидетели своя, и оправдятся и да услышат,
и да рекут истину. Будите Ми свидетели, и Аз свидетель, глаголет
Господь Бог, и Отрок егоже избрах, да познаете и веруете Ми, и
разумеете, яко Аз есмь: прежде Мене не бысть ин Бог, и по Мне не
будет. Аз есмь Бог, и несть разве Мене спасаяй. Аз возвестих, и спасох,
уничижих, и не бе в вас чуждий. Вы Мне свидетели, и Аз Господь Бог, и
еще от начала Аз есмь: и несть от рук Моих избавляяй. Сотворю и кто
отвратит то; сие глаголет Господь Бог, избавляяй вас Святей
Израилев.

Премудрости Соломони чтение (глава 3):

Праведных души в руке Божией, и не прикоснется их мука. Непщевани
быша во очесех безумных умрети, и вменися озлобление исход их. И
еже от нас шествие сокрушение, они же суть в мире. Ибо пред лицом
человеческим аще и муку примут, упование их безсмертия исполнено.
И в мале наказани бывше, великими благодетельствовани будут, яко
Бог искуси я, и обрете их достойны Себе. Яко злато в горниле искуси

их, и яко всеплодие жертвенно прият я. И во время посещения их возсияют: и яко искры по стеблию потекут: судят языком, и обладают людьми, и воцарится Господь в них во веки. Надеющиися Нань разумеют истину, и вернии в любви пребудут Ему: Яко благодать и милость в преподобных Его, и посещение во избранных Его.

Премудрости Соломони чтение (главы 5 и 6):

Праведницы во веки живут, и в Господе мзда их, и попечение их у Вышняго. Сего ради примут Царствие благолепия и венец доброты от руки Господни, зане десницею покрывает я и мышцею защитит их. Приимет всеоружие рвение свое и вооружит тварь в месть врагом. Облечется в броня правды и возложит шлем — суд нелицемерен. Приимет щит непобедимый — преподобие, поострит же напрасный гнев во оружие, споборет же с ним мир на безумныя. Пойдут праволучныя стрелы молниины и, яко от благокругла лука облаков, на намерение полетят. И от каменометныя ярости исполнь падут грады. Вознегодует на них вода морская, реки же потопят я нагло. Сопротив станет им дух силы, и, яко вихор, развеет их, и опустошит всю землю беззаконие, и злодейство превратит престолы сильных. Слышите убо, царие, и разумейте, навыкните, судии концов земли. Внушите, держащии множества и гордящиися о народах язык. Яко дана есть от Господа держава вам и сила от Вышняго.

На литии, глас 5:

Приидите, вернии, / воспоим священного Митрофана, /
единоревнительный лик страдалец Христу с собою приведша, /
кумиром не поклонившихся / и за веру святую
обиды, безчестия и поношения, // муки и смерть претерпевших.

Приидіте, возсла́вим дівный сонм мужей и жен, /
ста́рцев и ста́риц, о́троков и отрокови́ц, /
богомудро́му Митрофа́ну, / а́ки о́вцы, глас
па́стыря до́браго зна́ющия, / на страда́ния послéдовавших //
и та́ко ўзкими врата́ и те́сным путе́м в живо́т ве́чный вше́дших.

Слава, глас 1:

Свѣтлою любóвию ко Христу́ пламене́юще, / ве́ры
боже́ственныя не отверго́стеся / и куми́ром не поклоні́стеся, /
святіи мученицы двѣсте два десят и два / с па́стырем ва́шим
священнотайнником Митрофа́ном, / и, о Христе́ укрепля́еми, /
мучителей суровство́ низложі́сте. / Сего́ ра́ди
венцы́ побéды уллучі́вше, / Творцу́ всяческих моли́теся, //
да спасёт ду́ши на́ша.

И ныне, глас той же.

На стиховне, глас 2.

Христа́ возлю́бльше, / во след мучеников дрéвних потеклі́
есте́, священнострада́льче Митрофа́не // с дружи́ною твоёю.

Стих: Воззва́ша пра́веднии, / и Господь услы́ша их.

Звѣзды, на Восто́ке воссия́вша, восхва́лим, /
лик страда́льцев добропобѣдных, // свѣтом
Правосла́вия Кита́й осия́вших.

**Стих: Мно́ги скóрби пра́ведным, / и от всех их избáвит
я Госпо́дь.**

Богосвещенный Иса́ия / во тьме веко́в проро́чески вопи́ет: /
Се сии изда́леча при́дут // от земли́ Си́ним.

Слава, глас 4:

Му́чеников во́инство Христу́, / свя́тче Митрофа́не, привел еси́, /
не крѣпостию ра́тною и ору́жии изошрѣнными гордя́щийся, /
но то́кмо немо́щию сво́ею, / Хри́стом укрепля́еми,
сла́дце похваля́ющийся. / Се бо страда́лец двѣсте два́дцат и два, /
ди́вным о́троком, сы́ном тво́им Иоа́нном, предводи́мии, /
его́же от главы́ до ног ра́нами злоде́и уязви́ша, /
Небе́сных селе́ний достиго́ша, // иде́же дрѣва живо́тного
наслажда́ются, досточу́днии.

И ныне, глас той же.

Тропарь, глас 4:

Му́ченицы Тво́и, Го́споди, / двѣсте два́дцат и два, /
в ца́рствии Кита́йстем просия́вшии, / ве́ру Хри́стову
я́ко щит держа́ще / и куми́ром не покло́ньшеса, /
от единопле́менных обезу́мевших му́ки и смерть прия́ша, /
усты́ о́трока страстоте́рпца воспева́юще: / болѣзни за
Хри́ста ни во что же вменя́ем, // за жи́знь вре́менную
жи́знь ве́чную улучи́ти жела́юще.

НА УТРЕНИ

Седален по 1-м стихословии, глас 2:

Подворие Бейгуань во граде Пекине почтим, процветшее честныя цветы, Христовы бисеры, мученик два сте двадесят и два, яже слуг антихристовых ихетуань посрамиша, темже и венцы прияша, доблемудреннии.

Слава, и ныне, глас тойже:

Дивная и скорая Помощнице всем христианом, буди нам покров и заступление в скорбех и радостех земнаго жития, наставляющи ны присно на путь покаяния, наипаче же умоли Сына Твоего и Бога нашего, да праведных части явит ны причастники.

По 2-м стихословии седален, глас 2:

Страстотерпцы Христовы, во граде Пекине добропобедне пострадавшии, камением побиеннии, огнем сожженнии, во кладезь вверженнии, мечи усеченнии, Царство Небесное в наследие приимше, молитесь ко Господу, да спасет души наша.

Слава, и ныне, глас тойже:

Мати Всенепорочная, новыя христороубцы во граде Пекине при храме Успения Твоего возрадившая и тыя на подвиги мученическия укрепившая, укрепи и ны, грешныя, на невидимыя и видимыя враги душ наших.

По полиелеи седален, глас 4:

Коль дивно Твое, Христе, благоутробие, на рабех Твоих смиренных бывшее, яко и немощнейшия сосуды Твоя благодати — убогия вдовицы и старцы, девы юныя и младенец множество, силою Креста Твоего возмогоша леств идолюбесия поспрати и, веру святую неколеблему соблюдоша, во след Тебе потекоша, радующеся.

Слава, и ныне, глас тойже:

Дева днесь невидимо предстоит любящим Ю на месте, идеже сияше храм честнаго Успения Ея, сынами антихристовыми сожженный, и благословляет чада Своя духовныя кумиром не поклонитися, за веру Христову мужественне пострадати, радующеся, и венцев небесных в Царствии Сына Ея сподобитися.

Величание

Велича́ем вас, / святíи мученицы Кита́йстии, / и чтём честна́я страда́ния ва́ша, / яже за Христа́ / претерпе́ли естé.

По 50-м псалме

Слава: / моли́твами святых мучеников кита́йских ...

Стихира, глас 6:

Се сонм мучеников добропобедных, / па́стырю богомудрому Митрофа́ну последующих, / во врата́ Царствия Небеснаго течёт, ликующе, / мы же сим любовью возопи́м: / о во́ини Христо́ви всеблаже́ннии, / моли́теса Пастыреначальнику, // да спасёт ду́ши на́ша.

Канон молебный ко Богородице во Октоихе, глас 8, на 6, и мучеником, глас 2, на 8.

Песнь 1

Ирмос: Грядите, людие, поим песнь Христу Богу, раздельшему море и наставльшему люди, яже изведе из работы египетския, яко прославися.

В песнех духовных воспоим с любовию мученик два сте двадесят и два, яже изнесе царство Китай древнее, ихже воспиташа пастырие миссии Российстей и правнуцы сынов Церкви Русския, в двухсотлетнем пленении веру православную соблюдшия.

Радуйся, человеце Божий Митрофане Цзи, первый из братий твоих в сане священства воссиявый! Перси твоя, от слуг антихристовых аки сот пчелиный ископанная, мед сладости страданий за Христа нам искапаху. Темже воспеваеши, священномучениче: поим Господеви, славно бо прославися.

Сияет яко звезда на небеси жена твоя Татиана, во дни живота своего жен светом Евангелия просвещавшая и сих ко святей купели уготовлявшая; сия яви нам образ страданий за Христа, яко премнозе мучима, по стогнам влекома, обаче веры православная не отрекшися, во главу усечена бе.

Кий язык восхвалит отрока Иоанна, сына ваю, емуже мучители плещи разсекоша, нос, ушеса и пальцы ног отрубиша, сей же, аки в чуждем телеси стражда, яко агнец на заклание Христа ради иде, радуюся.

Богородичен: Упование христианом, Дева Пренепорочная, Сына Твоего и Бога моли со мученики о воспевающих Тя.

Песнь 3

Ирмос: Лук сокрушился сильных державою Твоею, Христе, и силою немощствующи препоясашася.

Финикс благоплодный под финиксом во дворе дома Божия аки плод зрелый Господеви принеслся еси, праведниче иерее Митрофане, сего ради ныне, ликовствуя, вопиеш: утвердися сердце мое во Господе, вознесся рог мой о Бозе моем.

Павле Ван премудрый, Апостолу язык, егоже имя носил еси, в проповеди слова подражавый, ты, сан иерея по малых днех прияти имевый, не Жертву Безкровную, но себе самого в жертву Богу принесл еси; се бо, колена приклонь, моляся, руце крестообразно сложив, во главу усечен был еси.

Жена Павлова Сарро, мати его Екатерино, чада Иоанне и Александро, венцы небесныя улучисте, доблественне сему воину Христову спострадавше.

Иоакиме юный, сродниче Павлов, ихетуанями у стен града убиенный, ты первомученик христианом во дни скорби сея был еси.

Богородичен: Марие Преплагая, Ейже душу оружие пройде, укрепи ны, слабыя и боязливия, егда приидет час огненного испытания веры нашея.

Седален, глас 8:

В пустыне язычества сад Боговедения процвете, подворие Бейгуань православное, цветы красныя — мученик два сте двадесят и два Христу принесшее, ихже кровми напившеся земля добрая плод добр израсти — новыя люди, святым крещением просветившиеся.

Слава, и ныне, глас тойже:

В пустыне горы Синайския купина неопально процвете, Приснодеву,
неопально огонь Божества приемшую, прообразующи, Юже мы любовию
и благодарением воспеваем, веселящся.

Песнь 4

Ирмос: Услышах, Господи, славное Твое смотрение и прославих,
Человеколюбче, непобедимую Твою силу.

Господь Бог мой — сила моя, тако утешал еси, отче Митрофане, овцы
твоя духовныя, вокруг тебя в дому твоём в трепете и смятении, яко
птенцы под криле кокоша, собравшиися.

Воспоим Иннокентия Фань, иже семи первым диаконам подобяся,
попечение о телесных нуждах братий своих с любовию и тщанием
исполняще. Темже и Господь тело его, во кладязи камением от
безумных побиенное, нетлением прослави.

Спрославим сему и жену его Елену, еже в кумирню приведенная,
идолам кланяться воспротивися. За сие многообразные муки от
ихетуань претерпевши, душу свою чистую Богу предала есть.

Кую песнь принесем добле воспитанным чадам Иннокентия и Елены —
Евмению, Софии и Надежде, имже руце зверонравнии отсекоша и
посем телеса их во кладязь ввергоша, идеже они по мнозе времени
нетленне обретошася?

Богородичен: Радуйся, обрадованная, радуйся, Всемиловитая, всем в
тяжких скорбех Тебе молящимся небесное утешение подавающая.

Песнь 5

Ирмос: Света Подателю и веков Творче, Господи, во свете Твоих
повелений настави нас: разве бо Тебе иного бога не знаем.

От нощи скорбей лютых и болезней неисцельных к Свету невечернему
утреннюет дух твой, священномучениче Митрофане.

Да почтится Марие юная, яже, жениху ея Исаии за веру Христову
убиенну, притече в дом иереов и рече: у церкви Персвятыя
Богородицы духовно рождена есмь, здесь и умру. Темже по мале
времени от рук злодеев смерть бестрепетно прият.

Небомудренную Ию Вэнь восхвалим, наставницу школы дев и
путеводительницу приходящих ко Христу. Сия двакрыты смертныя муки
от жестоковыйных претерпе: исперва бо, ножи изсечена бывши, аки
мертва землю мало прикровена бе; послежде, стенаниям ея
услышанным, паки взята бе и тако венцем мученичества, радующися,
увенчана бе.

Мироне Жуй и Марие, в трудех и нищете чада ваша — Марфу,
Анастасию, Евдокию, Иннокентия, Савву, Нила, Марию и Елену
воспитавшии в страхе Божии, добре приуготовиста сих для Царствия
Небеснаго, его же и улучиша, славнии, вкупе с вами за Христа
убиенныя.

Богородичен: Преблагословенная Богородице, многи скорби в земней
жизни Твоей претерпевшая, помози нам крест земнаго жития в
терпении, благодарении и радовании до конца понести.

Песнь 6

Ирмос: Глас глагол молебных от болезненныя, Владыко, души
услышав, от лютых мя избави: Един бо еси нашего спасения виновен.

Из славного моря многомятежного жития сего в вечный пренебесный
покой, яко от кита Иона, вшел еси, священнотаинниче отче
Митрофане.

Радуйся, Евфимие Пань, от каменносердых камением побиенный.
Радуйтесь, Акилино Шуан, Анно Чан, Павле Шуан со чады, в дому
своем сожженнии. Радуйтесь, Ирино Фу со чады Анной, Афанасией,
Евпрасией Прохором и Марией, за врата града отведенныя и тамо, от
Христа не отрекшиися, убиенныя.

Радуйся, Ирино Гуй Жуй-ши, сердцем твоим кротким Иисуса кроткого возлюбившая и службе церковней на всяк день прилежавшая, ихетуанем, рабов Божиих ищущим, не таясь рекшая: христиане есмы.

Радуйся, вдовица Капитолино Хуай, мрачную ночь отречения от Христа прешедшая и светлым утром покаяния, посем же подвигом мученичества грех свой омывшая.

Богородичен: Владычице, Владычице, зриши немощь нашу и расслабление духовное, настави ны на всяк час бдети и Сыну Твоему молитвы сердечныя возносити, да николиже отступим от Него.

Кондак, глас 2:

Яко сокровище многоценное, троелетне в земли сокровенное, обретошася мощи ваша, священнотаинниче Митрофане и овцы твоих учений, во граде Пекине просиявшия, благодать неоскудную подающе душам нашим. Сего ради с радостию и любовью воззовем: молитвами страстотерпец, Христе Боже, помилуй нас.

Икос:

Подвигом и болезнем вашим дивящися, достоблаженнии страстотерпцы Китайстии, в веселии сердеченм вопием вам: Радуйтесь, Христа, многоценный бисер, в земли язычестей обретшии; Радуйтесь, ничтоже от земных сокровищ ему предпочетшии; Радуйтесь, добре Ему в подвории православнем Бейгуань поработавшии; Радуйтесь, в час огненного испытания от Него не отступльшии; Радуйтесь, за Него огнем сожженнии, камением побиеннии, мечем усеченнии; Радуйтесь, вся сия радостию и веселием претерпевшии; Радуйтесь, сего ради нас зывати ко Господу подвизающии: Молитвами страстотерпец, Христе Боже, помилуй нас.

Песнь 7

Ирмос: Образу златому, на поле Деире служима, трие Твои отроцы небрегоша безбожнаго веления посреди же огня ввержени, орошаемы, пояху: Благословен еси, Боже отец наших.

Храм Божий и строения церковная от мерзких идолопоклонник сожженныя виде, многия скорби исполнися, страдальче отче Митрофане; обаче, в храм пренебесный вшед, воспел еси: благословен еси, Боже отец наших.

Афанасий А, слячен от юности, коленопреклоненне ходивый, низок телом, но высок душею бе; тем же, наставшу часу испытаний, жену свою Варвару и триех чад увещаша мук за Христа не устрашиться, сего ради и взывает: благословен еси, Боже отец наших.

Андрей Чжу, во единодесятый час жития своего в виноград Христов пришедый, делания своего, жестокосердым приближшимся, не остави и тако, на месте трудов своих, во славу Церкви подъятых, убиенный, со всеми от первого часа потрудившимися воспеваает: благословен еси, Боже отец наших.

Евфимий Ин безстрашный, веру Христову пред ихетуанем Юйсенем исповедавый и онаго безумие обличивый, за сие мечем пронзенный и камением побиенный, песнь богокрасную воспеваает: благословен еси, Боже отец наших.

Богородичен: Людие, во тьме и сени смертней сидящая, Богородицею к Свету невечернему призвал еси и за Тя пострадати сподобил еси, Преблагословенный отец Бог и препрославленный.

Песнь 8

Ирмос: В пещь огненную ко отроком еврейским снизшедшаго и пламень в росу преложшаго Бога, пойте дела яко Господа и перевозносите во вся веки.

Да почтятся честные страдальцы Афанасий Шуан, Лев Хай, Никифор Хай, Васса, Екатерина и Елена Чжунь, Кирилл Хай, Надежда Чан, Ольга А и инии мнози. Сии вкупе с иереем Митрофаном и прочими мученики воспевают: Господа пойте дела, и превозносите Его во веки.

Многовидне потрудистесь в дому Божию, Клименте Куй, Андрее Чжу, Матфее Хай Цюань, Симеоне Си Лин-а, Иосифе Фу, Алексие Чжан, Капитоне Ин, многовидныя муки за Христа претерпевше, ныне ликуете во цветнице Его, взывающе: благословите вся дела Господня, Господа.

Измлада пении и песнями духовными прославлявшии Господа и Пречистую Матерь Его во храме честнаго успения Ея, Афанасие А, Афанасие Юй, Сергие Чжан, Петре Ли Юнь-ань, Алексие Ин, по славнем страдании вашем песнь новую и светлейшую возносите: благословите вся дела Господня, Господа.

Правнуцы Албазин доблих, древле в пленение Пекинское приведенных, веру православную соблюдшии и за Христа живот свой положившии, ныне сподобистесь свободу славы чад Божиих улучшить, воспевающе: благословите вся дела Господня, Господа.

Богородичен: Дево Всепетая, во храмах пренепорочнаго Успения Твоего и во всей вселенней славимая, всемошным предстательством Твоим мирную кончину живота нашего нам низпосли.

Песнь 9

Ирмос: Весь еси желание, весь сладость, Слове Божий, Девы Сыне, Боже богов, Господи, святых Пресвятый, тем Тя вси с Рождшею Тя величаем.

Егоже возлюбили есте, Егоже возжелали есте, Егоже ради кровь свою излиляли есте, молитесь Христа Бога, страстотерпцы, во царствии Китайстем просиявшии, да умножит веру Православную во Отечествеии вашем и во вем мире Своем.

Святые мощи добрых страдальцев, по трем летам из земли извлеченные и с честью во гробнице под Храмом Всех Святых Мучеников положенные, облагодетельствовали дворы Бейгуань, град Пекин и всю землю Китайскую.

Святые апостолы Боговидцы Фомы, святителю отцу Николаю, благоверные князья Псковские Всеволоды и Довмонты, святителю Иннокентию, града Иркутска похвало, вашим предстательством православным, в Китае просиявшим, возмоги Богу послужить предобием и правдою во все дни живота своего.

Богородичен: Мати Божия Пречистая, всю Сибирь и землю Китайскую иконою Твоею Албазинскою ограждающая, еже празднование Промыслом Божиим в день святых мучеников Севастийских уставлено, Ты еси мучеников крепость и веселие.

Светилен, глас 1:

Звезды светлыя, на Востоце возсиявшия и всю землю лучами своими просветившия, мученицы Христовы два с тем двадцать и два, вашими молитвами мрак греховный от душ наших отжените и веселие негиблющее нам, в бурях скорбей сущим, у Господа испросите.

Слава, и ныне:

Яже Свет невечерний рождающая, Присноблаженная и Пренепорочная Дево, светом любви Твоея Матерняя хладныя сердца наша согрей и сподоби ны утешения и радости о Господе.

На хвалитех, глас 4:

Рáдуйся, Цѣркве Бóжия, / украша́емая собóром
мúченик Христóвых, / священным Митрофа́ном предводи́мых, /
зѣмлю Кита́йскую кровью́ свои́ми освятивших, / град Пеки́н
а́ки вторы́й Рим яви́вших, / подво́рие Бейгуа́нь
Колизе́ю дрéвнему уподо́бльших // и моля́щихся прísно
за чту́щих святу́ю па́мять их.

Богоси́янная вы звѣзды / мýсленное показá Сóлнце, /
не́бо востóчное свѣтом вѣры Божѣственны́я озари́вша /
и во вся концы́ земны́я лучи́ по́двигов ва́ших испустив́ша, /
святи́и мúченицы двѣсте два́десят и два, // моли́теса
за ны ко Го́споду, да укрепíт теплохладну́ю вѣру на́шу.

Яко фими́ам благово́нен / принесли́ся естé, святи́и, /
Подвигополо́жнику ва́шему Христу́ Бо́гу. / Огненное запале́ние, /
ка́менное поби́ение / и мѣчное усече́ние претерпе́вше, /
несумне́нною наде́ждою на небѣсное воздая́ние утешáеми, /
моли́теса за ны ко Го́споду, // да оживíт сла́бую наде́жду на́шу.

Любо́вию ко Го́споду укрепля́еми, / противобо́рцев
попра́вши си́лу / и муче́ния возсия́вше свѣтлостию, / небѣсная
селѣния насле́довасте, / иде́же наслажда́етеса дрéва жи́зни. /
Тѣмже моли́те, досточúднии, Влады́ку всех, // да воспламенíт
любо́вию к Бо́гу и бли́жнему сердца́ на́ша.

Слава, глас 6:

Что сей глас радования и веселия? / Что пение и лики? /
Что собор православных на подвории Бейгуань, / по трёх лётех
страданий добрых мученик Христовых? / Се бо славный архиерей, /
пастыри и верных множество / приидоша возславити мочи
дивных страдалец / двою стех двадесяти и двою, / ихже с
честью положиша во гробнице под храмом Всех Святых Мученик, /
на месте страданий их созданием. / Мы же им согласно воспойм: /
о святии страстотерпцы, / Троице Святей помолитесь, //
да спасет души наша.

И ныне, глас той же.